

Gobernador a nombra Nelson Oduber informador

ORANJESTAD (AAN) - Despues cu Gobernador a reuni cu tur lider politico cu a logra asiento den e ultimo eleccion di Staten y a pidi cada uno pa pone ariba papel e pensamiento nan ariba formacion di gobierno, y haci pregunta na e lidernan cu cual partido nan ta desea di traha si of no y kico ta deseo di e partido nan politico pa bin; 1- Informador. 2.- Formador. 3- Kico ta e prioridad di cada partido politico.

Y a base di esey, Gobernador a yama Sr. Nelson Oduber Lider di MEP ayera mainta 11.30 na su despacho.

Gobernador Tromp y Nelson Oduber a discuti ariba e contestanan cu el a haya di e partidonan politico. Gobernador a entre Nelson Oduber un carta

cu ta bisa, cu resultado di eleccion di 6 Januari ultimo, partido M.E.P. tabata asina exitoso, e ta haya cu M.E.P. mester haya e responsabilidad pa informa e otro partidonan si nan ta dispuesto pa traha cu M.E.P. pa yega na formacion di un gobierno cu lo tin sosten amplio y cu lo bin cu un programa di gobernacion balanza.

Alavez Sr. Gobernador a pidi Nelson Oduber cu awor cu el a worde nombra informador, si constantemente informe con e desaroyo ta bayendo. Sr. Oduber a duna di conoce cu esey ta logico y lo cumpli cu e peticion di Gobernador.

Gobernador a pidi Lider di M.E.P. Nelson Oduber pa contesta e carta si e ta acepta e tarea di bira informador. Sr.

Oduber na su turno a contesta " Mi a bisa Gobernador di antemano nos lo acepta e respon-

sabilidad aki y cu nos lo papia cu e partidonan politico awor den prome buelta pa mira e

boluntad politico, y cu nos lo contesta e carta di aceptacion como Informador."

